



**AAG KA
DARIYA**

HAQEEQAT

Phoolo ka bageecha dikhe jo
Kise pata samshan hoga
Imandari se ishq karna
Kisne kaha aasan hoga

Mushqil hai janab jannat pana
Pehle darvaje tak poch ke dekho
Jab man mein andekha gussa ho
Fir bhi usme pyaar khoj ke dekho

Mushkil hai vo ladai mitana
Jiska karak abhi tak dafna nahi
Kabhi duniya ki nazar hoti hai jaaro
Yaha apna bhi apna nahi

In ladaiyo ki oochi avaz mein
Jo dil ki dhadkan sun nahi sakte
Vo ranjha heer laila majnu
Shiv parvati ban nahi sakte

Mana lunga

*Ye ishq Tera hai kamai meri
Bharne pade chahe kishte aaj
Mangunga mafi chahe teri ya meri
Bachaunga apne rishte aaj*

*Galti na manane ki
Jhoote log kamane ki
Hum dono lad pade shayad
Vajah thi zamane ki*

*Ghutno pe izhar kia tha meine
Aaj fir ghutno pe aata hu
Is baar dono ghutne neeche
Aur hath jod manata hu*

*Maan ja na is aasoo ko
Kyu ye rishta todna hai
Jeene ka vada dilo ka
Kyu dhadakna chodna hai*



”

Guzarke thande koylo se
Kaato se phool chune hai
Agni Pariksha se agne phere tak
Misaale sabne sune hai
